



Nos Iau, 12 Medi 2024 – 7.30yh  
Festri Salem, Penmachno

## cofnodion drafft

Cofnodion cyfarfod a gynhaliwyd **nos Iau 12 Medi 2024** am 7.30, Festri Salem, Penmachno

1. Croeso ac Ymddiheuriadau am Absenoldeb
2. Datganiad o Fuddiant
3. Derbyn Cofnodion y Cyfarfod Diwethaf
4. Darpariaeth a sut i ariannu diffibrilwyr
5. Materion yn Codi o'r Cofnodion Blaenorol (nid fel arall ar yr agenda)
6. Gohebiaeth
7. Adroddiad Cyllidol
8. Materion Cynllunio
9. Materion eraill

### Presennol:

Claire Roberts  
Daniel Tomos (Clerc)  
Dylan Davies (Is Gadeirydd)  
Eifion Davies  
Eryl Owain (Cadeirydd)  
Wil Edwards  
Dilwyn Roberts (Cynghorydd Sir)

### Ymddiheuriadau:

Bethan Corrigan  
Dafydd Gwyndaf  
Geraint Thomas  
Owen Davis

### Datganiad o fuddiant

Nid oedd unrhyw ddatganiadau

### Derbyn cofnodion y cyfarfod diwethaf

Derbyniwyd cofnodion cyfarfod **11 Gorffennaf 2024** fel rhai cywir, Claire Roberts yn cynnig a Wil Edwards yn eilio.

## Darpariaeth a sut i ariannu diffibrilwyr

Adroddwyd na fydd y Gwasanaeth Ambiwlans bellach yn darparu diffibrilwyr, padiau na batris i gymunedau.

Nid oes angen newid y ddau ddiffibriliwr ym Mhenmachno ar hyn o bryd ond nid oedd gan y Cyngor Cymuned unrhyw ddewis ond prynu padiau newydd ar gyfer y ddau ar gost o £80+TAW. Os defnyddir y padiau, bydd yn rhaid prynu rhai newydd.

Adroddwyd y byddai'r Gwasanaeth Ambiwlans yn hoffi diffibriliwr ychwanegol yn y safle bws yng Nghwm a bod angen newid y cabinet yn y Shiloh am nad yw'n cael ei wresogi.

Penderfynwyd cysylltu â'r Gwasanaeth Ambiwlans ac yna dod o hyd i gyllid grant maes o law.

### Materion yn codi:

**Lorïau yng Nghwm Penmachno:** Adroddwyd bod CNC wedi gofyn eto bod materion gyda chontractwyr yn cael eu hadrodd iddynt ar unwaith fel bod ganddynt well siawns o ymchwilio.

**Toiled Cyhoeddus:** Adroddwyd bod y llawr wedi sychu. Penderfynwyd cael prisiau ar gyfer llawr newydd ac ailbeintio'r nenfwd.

**Arwydd Cwm Penmachno:** Adroddwyd bod yr arwydd wedi ei drwsio.

**Arwyddion Betws-y-coed a Ildiwch:** Adroddwyd bod dal angen trwsio dau arwydd ger y dafarn. Mae'n ymddangos bod arwydd Betws-y-coed wedi'i baentio â phaent du.

**Cyffordd Ffordd Grenyn gyda'r B4406:** Adroddwyd bod y Cyngor Sir wedi trefnu'r gwaith i osod drych.

**Ilwybr Cyhoeddus 55 – Y Waen:** Adroddwyd bod aelod caredig o'r gymuned wedi dadflocio'r cwlfer oedd yn achosi difrod i'r llwybr. Penderfynwyd cysylltu eto gyda'r Cyngor Sir ynglŷn ag atgyweirio'r llwybr.

**Ilwybr ar draws y Bont Concrit:** Adroddwyd bod esboniad y tîrfeidiannwr wedi bod yn ddefnyddiol iawn. Penderfynwyd archwilio opsiynau ar gyfer gwella'r llwybr cyhoeddus ar draws Pont Oernant.

**Sant Tudclud:** Yn dilyn cyfarfod safle, penderfynwyd ysgrifennu llythyr o gefnogaeth ynghylch cynllun yr eglwys i gadw ardal o fynwent y Cyngor Cymuned yn Sant Tudclud ar gyfer blodau gwylt a chadw/claddu lludw.

**Mynwentydd:** Penderfynwyd gwneud gwaith cynnal a chadw tiroedd y mynwentydd yn amlach, yn enwedig ar hyd y ddau lwybr i'r eglwys. Penderfynwyd ymchwilio i wella golwg llwybrau'r eglwys. Penderfynwyd hefyd cysylltu â'r contractwr gyda'r bwriad o gynyddu ei gyflog.

### Gohebiaeth

**Agoriad Newydd ar Ffordd Glasgwm:** Roedd nifer o bobl wedi cysylltu â'r Clerc ynglŷn ag agoriad newydd i Ffordd Glasgwm. Adroddodd y Clerc nad oes angen caniatâd cynllunio ar gyfer mynedfa i ffordd ddi-ddosbarth. Penderfynwyd cysylltu â'r adran ffyrdd.

**Pont Rufeinig:** Adroddwyd bod y bont wedi dod yn boblogaidd iawn ar Instagram gyda rhai pobl yn cerdded / yn eistedd ar y bont sy'n heneb restredig. Penderfynwyd cysylltu â CNC a'r Ymddiriedolaeth Genedlaethol sy'n rheoli'r tir i sicrhau bod y bont yn ddiogel.

### Adroddiad Cyllidol

Darparodd y Clerc restr o'r holl drafodion ariannol ers y cyfarfod diwethaf i'w dadansoddi. Cytunwyd bod popeth mewn trefn.

**Rhif Ffôn:** Cytunwyd y bydd y Clerc yn symud rhif ffôn y Cyngor i ddarparwr VOIP gwahanol.

## Materion Cynllunio

**Caniatâd Adeilad Rhestredig: Tŷ Mawr Wybrnant:** Yn dilyn cyfarfod gyda'r Ymddiriedolaeth Genedlaethol yn Nhŷ Mawr, cafwyd trafodaeth hir yn y cyfarfod. Penderfynwyd, er y bydd yn drist rhoi llechi ar ochr yr adeilad, i gefnogi'r cais er mwyn diogelu'r amgueddfa ar gyfer y dyfodol.

## Materion eraill

**Ffordd Ysbyty / Ffordd Groesffordd:** Adroddwyd bod y ffosydd wedi'u blocio a'r gwrychoedd wedi tyfu a'u bod yn gwneud y ffordd yn gul iawn. Penderfynwyd cysylltu â'r Cyngor Sir.

**Dympio Asfalt:** Adroddwyd bod contractwyr sy'n gweithio i SP Energy yn gollwng asfalt mewn caeau. Penderfynwyd adrodd y mater i CNC.

**Stad yr Ymadawedig:** Penderfynwyd ceisio cysylltu ag ysgutor ystâd un o drigolion Penmachno a fu farw mewn amgylchiadau trasig y llynedd i gynnig cymorth.

**Sgipiau Cymunedol:** Penderfynwyd gweithio gyda Chlerc Cyngor Cymuned cyfagos i weld a fydd grant ar gael.

**Arwyneb Anwastad:** Adroddwyd bod wyneb y maes parcio tu ôl i Deras Llywelyn yn anwastad. Penderfynwyd cysylltu â Cartrefi Conwy a'r Cyngor Sir.

**Bws Ysgol:** Adroddwyd bod plant yn dal i orfod eistedd ar lawr bws yr ysgol er gwaethaf sicrwydd gan y Cyngor Sir. Penderfynwyd cysylltu â'r Cyngor Sir unwaith eto.

**Graeanu'r Briffordd:** Penderfynwyd cysylltu â'r contractwyr i sicrhau fod loriau graeanu yn gallu cyrraedd yr ardal tra bod SP Energy yn parhau â'r gwaith ffordd dros y gaeaf.

## Cyfarfod nesaf

Cynhelir cyfarfod nesaf y Cyngor nos Iau 21 Tachwedd 2024, 7.30 yn Ffestri Capel Salem.